

Cartulaire de l'Abbaye de Redon en Bretagne: [832–1124], Nr. 7

Mundi termino adpropinquante, iam certa signa manifestantur, idcirco ego, in Dei nomine, Rethuualatr, egrotus, considerans gravitudinem peccatorum meorum et reminiscens bonitatem Dei dicentis, Date elemosinam et omnia munda fiant vobis; si aliquid de rebus nostris locis sanctorum vel substantiae pauperum conferimus, hoc nobis, procul dubio, in aeternam beatitudinem retribuere confidimus; ego quidem, de tanta misericordia et pietate Domini confisus, per hanc epistolam donationis donatumque in perpetuum esse volo ad illos monachos habitantes et operantes regulam sancti Benedicti in monasterio quod vocatur Rotheron, ita et feci; ita donavi ego, Rethuualart, villam quae vocatur Uuiniaw, cum mansis et Inanentihu, s, tribus hominibus : Condeloc, et alius Herpin, Driuuobri, cum terris, pratis, pascuis, aquis, aquarumve decursibus, mobilibus et immobilibus .. cultis et incultis, cum omnibus appenditiis suis, sicut a me presenti tempore videtur esse possessum, totum1 atque integrum, a die presenti trado atque transfundo ipsis monachis in elemosinam propter regnum Dei, ita ut quicquid exinde facere v9luerint, liberam ac firmissimam in omnibus habeant potestatem; et si fuerit, aut ego ipse, aut unus de propinquis heredibus meis, vel quilibet persona, qui contra hanc donationem calumniam fecerit, solidos .cc. componat. Signum Bili; x. Hoian; x. Maban; x. Uuinou; x. Haelliffen; x. Cristian; x. Iarnhaitou; x. Roenuuallon; x. Guorasou; x. Triuuuot; x. Iarnhitin, presbyter; x. Nominoe, presbyter; x. Roencomal; x. Arthui; x. Uurmhouuen; x. Morman; x. Rethuualart; x. qui donavit et firmari rogavit; id est, terram supradictam Ran Uuiniaw, sine censu, sine tributo alicui homini nisi ad ipsos monachos Rhotonicos. Facta est ista elemosina .V. idus februarii, in die dominico, in loco supradicto Roton, presente populo, donante illo Rethuualatro cespitem super altare de illa supradicta Ran Uuiniaw sita in plebe nuncupata plebe Huiernim, in parrochia Venediae, regnante domno imperatore Hlodouico, anno .XX. regni eius, Regenarico episcopo, Rethuualart mactiarno, Nominoe magistro in Britanniam.